

**AVGJERD I EØS-KOMITEEN**  
**nr. 172/2013**

2014/EØS/13/20

av 8. oktober 2013

**om endring av vedlegg XX til EØS-avtala (Miljø)**

EØS-KOMITEEN HAR –

med tilvising til avtala om Det europeiske økonomiske samarbeidsområdet, heretter kalla ”EØS-avtala”, særleg artikkel 98, og

på følgjande bakgrunn:

- 1) Kommisjonsavgjerd 2011/832/EU av 7. desember 2011 om ei rettleiing for samla registrering i EU, tredjestatsregistrering og global registrering i medhald av europaparlaments- og rådsforordning (EF) nr. 1221/2009 om frivillig deltaking for organisasjonar i fellesskapsordninga for miljøstyring og miljørevisjon (EMAS)<sup>(1)</sup> skal takast inn i EØS-avtala.
- 2) Vedlegg XX til EØS-avtala bør difor endrast –

TEKE DENNE AVGJERDA:

*Artikkel 1*

I vedlegg XX til EØS-avtala etter nr. 1eac (oppheva) skal nytt nr. 1ead lyde:

”1ead **32011 D 0832**: Kommisjonsavgjerd 2011/832/EU av 7. desember 2011 om ei rettleiing for samla registrering i EU, tredjestatsregistrering og global registrering i medhald av europaparlaments- og rådsforordning (EF) nr. 1221/2009 om frivillig deltaking for organisasjonar i fellesskapsordninga for miljøstyring og miljørevisjon (EMAS) (EUT L 330 av 14.12.2011, s. 25).”

*Artikkel 2*

Teksta til avgjerd 2011/832/EU på islandsk og norsk, som vil verte kunngjord i EØS-tillegget til *Tidend for Den europeiske unionen*, skal verte gyldig.

*Artikkel 3*

Denne avgjerda tek til å gjelde 9. oktober 2013, på det vilkåret at EØS-komiteen har motteke alle meldingar etter artikkel 103 nr. 1 i EØS-avtala(\*).

*Artikkel 4*

Denne avgjerda skal kunngjerast i EØS-avdelinga av og EØS-tillegget til *Tidend for Den europeiske unionen*.

Utfjerda i Brussel, 8. oktober 2013.

For EØS-komiteen

***Thórir Ibsen***

Formann

<sup>(1)</sup> TEU L 330 av 14.12.2011, s. 25.

(\*) Ingen forfatningsrettslige krav angitt.